



武林舊事卷之二

四水潛夫輯

御教

壽皇留意武事在位凡五大閱

乾道二年四年六年
熙寧四年十年或

幸白石或幸茅灘或幸龍山一時儀文士馬戈甲旌

旗之盛雖各不同今撮其要以著於此

先一日諸軍六馬全裝執色於教場東布列軍幕宿

營至日殿前馬步諸軍先赴教場下方營并親隨軍

排列將壇之後質明三衛管軍官並全裝從駕上自

祥曦殿戎服乘馬太子親王宰執近臣並戎服乘馬

以從護聖馬軍八百騎分執鎗旗弓矢軍器前後奏
 隨軍番部六樂等詳見後教駕入教場升幄殿殿
 帥執纓躬奏諸司人馬排立齊舉黃旗招諸軍向御
 殿椰子一鼓唱喏一鼓呼萬歲再一鼓呼萬歲疊
 鼓呼萬歲又一鼓唱喏殿帥奏取聖旨鳴角發嚴
 上御金裝甲胄登將壇幄殿鳴角戒嚴殿帥奏取聖
 旨馬步軍整隊成此以備教戰連三鼓馬軍上馬步
 軍起旗槍分東西為應敵之勢舉白旗教方陣黃旗
 變圓陣白旗變曲陣青旗變直陣緋旗變銳陣緋心
 白旗作長蛇陣緋心白旗作伏虎陣殿帥奏取聖旨

兩陣各遣勇將挑戰變八圓陣疊鼓舉旗左馬軍戰
 右步軍右馬軍戰左步軍再疊鼓交旗擊刺混戰三
 疊其金分陣大勢馬軍四面大戰三疊金分陣殿帥奏
 教陣訖取旨人馬排列當頭鳴角簇隊以俟放教諸
 軍呈大刀車砲煙槍諸色武藝御前傳宣撫諭將士
 射生官進獻獐鹿上更衣服賜宰臣已下對御酒五
 行殿帥奏取旨謝恩如前唱喏訖駕出教場是日太
 上皇於都亭驛設簾幄以觀駕至遂上入幄宣喚管
 軍官賜大金碗酒於簾外都人贊歎以為盛觀時殿
 司旗幟以黃馬司以緋步司以白以道路隘促止用

從駕軍一萬二千四百人分為二百四十八小隊戈
甲耀日旌旗蔽天連亘二十餘里粲如錦繡都人縱
觀以為前所未有凡支犒金銀錢帛以鉅萬計悉出
內庫戶部不與焉

御教儀衛次第

文物儀衛並同四孟駕出今止添入後項

彈壓前隊侍立使臣都轄

執苗龍旗使臣

執繡龍旗使臣

帶弓箭汗膀豹尾使四員

帶汗膀員騎劔使臣十員

彈壓後隊侍立使臣都轄

黃羅戲珠龍旗

黃繡龍旗二

豹尾使臣四

員騎劔使臣十人

供進馬四疋

帶甲御馬

御前全裝甲馬

管押使臣幕士

內六正供馬

獸醫押禮

黃繡龍傳宣旗二

龍傳宣旗十

隨逐巡視官

馬院宗衛官

引馬監官二員

供馬監官二員

聖駕供鞭通官二員

檢稍提轄二員

日烏獨脚旗

銷金龍旗三

鈐錢刀子左

青氈御筥

金鳳梳

御膳篋子

馬腦子圓刀

金洗嗽

通犀子圓刀

酒盤子大

白豹皮杖槓

黑漆套盤

銷金弓箭葫蘆

飲水角

哨笛四

彈壓樂器使臣

杏黃龍旗二

札子九

龍笛四

常

駝駕箱櫃四十二人

犀皮御座椅

匙筭刀子右

褶氈御筥

絲鞵篋子

玉靶子圓刀

水晶子圓刀

皂白御靴

角靶子圓刀

白虎皮杖槓

梳刷馬盂袋

圭木套盤

虎豹皮弓袋箭葫蘆

拍板二

番鼓二十四人

管押訓練官

威樂二

大鼓十

從駕官室臣已下

臨安府彈壓官屬

燕射

淳熙元年九月孝宗幸五津園燕射禮皇太子率
執使相待從正任皆從替至殿明外少監教坊進念
致語口號作樂至麗正門由嘉會門至五津園賜宴
酒三行上服頭巾穿衣衣帶絲鞵臨軒內侍御帶進
弓箭看前人喝看御箭教坊樂作射塲前排立招箭
班應喏皇帝第二箭射中皇太子已下各再拜稱賀
進御酒并宣勸訖皇太子已下及臣僚射弓第四箭
射中上再射第三箭又中的傳旨不賀舍人先引皇
太子當殿賜窄衣金束帶次引射中臣僚受賜如前

真珠大衣背子

真珠翠領四時衣服

壘珠嵌寶金器

塗金金器

貼金器

出從貼金銀裝擔等

錦繡銷金帳幔陳設茵褥地衣步障等物

其日駙馬常服玉帶乘馬至和寧門易兔服至東華

門用鴈幣玉馬等行親迎禮用照寧故事

公主服九翬四鳳冠綸翟纁袖升龍其前

天文官

本位從物從人

燭籠二十

本位使臣

插斂童子八人

方扇四

圓扇四

引障花十

提燈二十

行障坐障

皇后親送乘九龍轎子皇太子乘馬圍子左右兩重
其後太師判宗正寺榮王榮王夫人及諸命婦至第
賜御筵九盞筵畢皇后太子先還公主歸位行同牢
禮實翻然後親行盥饋舅姑之禮邇讀謁見舅姑用
名紙一副衣一襲手帕一合粧盂藻豆袋銀器三百
兩衣著五百疋餘親各有差三朝公主駙馬並入內
謝恩官賜禮物賜宴禁中外庭奉表稱賀賜宰執親
王侍從內職管軍副都指揮已上金銀錢盛包子有
差報無駙馬家親屬各等第推恩

唱名

第一名承事郎

第二第三名並文林郎

第一甲賜進士及第

第二甲同進士及第

第三第四甲賜進士出身

第五甲同進士出身

武舉第一名美義郎

特奏第一名同進士出身

上御集英殿拆號唱進士名各賜綠襪袍白簡黃襯
衫武舉人賜紫羅袍鍍金帶牙笏賜狀元等三人酒
食五盞餘人各賜泡飯煎二名各進謝恩詩一首皆
重戴綠袍絲鞭駿馬快行各持數黃於前黃旗雜沓

多至數十百面各書詩句于上呵殿如雲皆平日交遊親舊相逐之人或三學使令齋臧輩若執事之人則係帥漕司差到狀元局祇應亦有術人相士輩自衙預定懸選鼓舞於中自東華門至期集所豪家貴邸競列絲幕縱觀其有少年未有室家者亦往往於此擇婿焉期集所例置局於禮部貢院前三人主之於內遴選所長以充職事有糾彈牋表主管題名小錄掌儀典客掌計掌器掌膳掌酒果監門等後旬日朝謝又數日拜黃甲敘同年其儀三名設褥于堂上東西相向四十已上立于東廊四十已下立于西廊

皆再拜拜已擇榜中年長者一人狀元拜之復擇少者一人拜狀元又數日赴國子監謁謝先聖先師訖賜聞喜宴于局中侍從已上及館職皆與知舉官押宴遂立題名石刻凡費悉出於官及諸閭饋遺云

元正

朝廷元日冬至行大朝會儀則百官冠冕朝服備法駕設黃傘仗三千三百五十人陳京已用太常雅樂官架登歌太子上公親王宰執並赴紫宸殿立班進酒上千萬歲壽上公致辭樞密宣答及諸國使人及諸州入獻朝賀然後奏樂進酒賜宴此禮不能常

行每歲禁中止是以三茅鐘鳴駕輿上服幘頭玉帶
靴袍先詣福寧殿龍墀及聖堂炷香翻次至天
章閣祖宗神御殿行的獻禮次詣東朝奉賀後回福
寧殿受皇后太子皇子公主貴妃至郡夫人內官大
內已下賀賀畢駕始過大慶殿御史臺閣門分引文
武百僚追班稱賀大起居十六拜致辭上壽樞密宣
答禮畢放仗是日後苑排辦御筵於清燕殿用插食
盤架午後脩內司排辦晚筵於慶瑞殿用烟火進市
食嘗燈並如元夕

立春

前一日臨安府進大春牛設之福寧殿庭及駕臨幸
內宮皆用五色絲綵杖鞭牛御藥院例取牛睛以充
眼藥餘屬直閣婆號管人堂管預造小春牛數十飾
綵旛雪柳分送殿閣巨瑞各隨以金銀錢彩段為酬
是日賜百官春幡勝宰執親王以金餘以金銀及
羅帛為之係文思院造進各垂於幘頭之左入謝後
苑辦造春盤供進及分賜貴邸宰臣巨瑞筆箋紅絲
金雞玉燕備極精巧每盤直萬錢學士院撰進春帖
子帝后貴妃夫人諸閣各有定式以羅金縷筆紫可
觀臨安府亦輟春開宴而邸第饋遺則多效內庭焉

元夕

禁中自去歲九月賞素燈之後迤邐試燈謂之預賞
一入新正燈火日盛時脩內司諸端分主之競出新
意年異而歲不同往往於復古膺福清燕明華等殿
張掛及宣德門梅堂三間臺等處臨時取旨起立煮
山燈之品極多後以蘇燈為最圈片六者徑三
四尺皆五色琉璃所成山水人物花竹翎毛種種奇
妙儼然着色便面也其後福州所進則純用白玉晃
耀奪目如清水玉壺爽徹心目近歲新安所進益奇
錕圈骨悉皆琉璃所為號無骨燈禁中嘗令作琉璃

燈山其高五丈人物皆用機關活動結大綵樓貯之
又於殿堂梁棟窓戶間為漏壁作諸色故事龍鳳喫
水蜿蜒如生遂為諸燈之冠前後設玉柵簾寶光花
影不可正視仙韶內人迭奏新曲聲聞人間殿上鋪
連五色琉璃閣皆繡文戲龍百花小窓間垂小水晶
簾流蘇寶帶交映璀璨中設御座恍然如在廣寒清
虛府中也至二鼓上乘小臺幸宣德門觀熬山擊鞀
者皆倒行以便觀賞金爐照扇如祥雲五色焚燈炫
轉照耀天地山燈凡數千百種極其新巧皆怪奇
無所不有中以五色玉柵簇成皇帝萬歲四六字其

上修宮奏樂稱念口號致語其下為大露臺三百藝群
工競呈奇伎內人及小黃門百餘皆中裝翠蛾儂街
坊清樂傀儡繚繞於燈月之下既而取旨宣喚市井
舞隊及市食盤架先是京尹預擇華潔及善歌叫者
謹伺于外至是歌呼競入既經進御妃嬪內人而下
亦爭賞之皆數倍得直金珠磊落有一夕而至富者
宮漏既深始宣放烟火百餘架於是樂聲四起燭影
縱橫而駕始還矣大率儆宣和盛際愈加精妙特無
登樓賜宴之事人間不能詳知耳
都城自舊歲冬孟駕回則已有乘肩女鼓吹舞綰

者數十隊以供貴邸豪家幕次之翫而天街茶肆漸
已羅列燈籠等物售謂之燈市自此以後每夕皆然
三橋等處客邸最盛舞有往來窺者每不樓燈初上
則簫鼓已紛然自獻於下酒邊一第則雪珠不多往
往至四鼓乃送自此日盛一日美台石有詩云燈已
闌珊月氣寒舞死往往夜深遠以所不盡要樂意更
向街心弄影看人云南陌吳兒盡無元華金和繡滿
羅衣也知愛信春遊夜舞落銀蟾不肯歸吳紫窓玉
樓春二豈豈狸帽逐梅額金釵亂舞一吹一窄春二肩爭
看小腰身倦態強隨胡鼓第問春在東陌欲買

千金應不惜歸來因頭端喜。昨猶夢之安科越拍深
得其意態也。至節後漸有大隊如四口一轎。恣備研歌
之類。只趨於盛。其多至數十。百隊。其差官點
視各給錢。酒油燭多寡。有差。其使之。用至昇。賜官支
酒燭。止至春風。樓支錢。終夕天街。其不絕。都民士
女羅綺如雲。蓋無夕不然也。至五夜。則京尹乘小提
轎。諸舞隊次第擁前後。連亘十餘里。錦繡填委。簫
鼓振作。耳目不暇給。吏懸以大囊。持楮券。凡遇小經
紀人。必搗數十。謂之買市。至有黠者。以小盤貯梨藕
數片。騰身迭出於稠人之中。支請官錢數次者。亦不

禁也。李質房詩云。斜陽盡處蕩輕烟。輦路東風入管
絃。五夜好春隨步暖。一年明月打頭圓。香塵掠粉翻
羅帶。密炬籠綃鬪玉鈿。人影漸稀花露冷。踏歌吹度
曉雲邊。京尹幕次。例占市西坊。繁鬧之地。黃燭枳益
照耀如晝。其前列荷校囚數人。大書犯由云某人。為
不合搶撲。釵環挨槽婦女。繼而行。遣一二謂之裝燈。
其實皆三獄罪囚。姑借此以警姦民。分委府僚巡警。
風燭及命轄房使臣等。分任地方。以緝姦盜。三獄亦
張燈建淨獄道場。多裝獄戶故事。及陳列獄具。貼第
好事者。如清河張府將。御藥家。間設雄戲烟火。花邊

水際燈燭粲然遊人士女縱觀則迎門酌酒而去又有幽坊靜巷好事之家多設五色琉璃泡燈更自雅潔靚粧笑語望之如神仙白石詩云沙河雲合無行處惆悵來遊路已遠却入靜坊燈火空門門相似列蛾眉又云遊人歸後天街靜坊陌人家未閉門簾裡垂燈照樽俎坐中嬉笑覺春溫或戲於小樓以人為大影戲兒童譁呼終夕不絕此類不可遽數也西湖諸寺惟三竺張燈最盛往往有宮禁所賜貴璫所遺者都人好奇亦往觀焉白石詩云珠絡琉璃到地垂鳳頭御帶玉交枝君王不賞無人達大竺堂深夜雨

時

元夕節物婦人皆帶珠翠鬧蛾玉梅雪柳菩提葉燈
毬銷金合蟬貉袖項帕而衣多尚白蓋月下所宜也
游手浮浪輩則以白紙為大蟬謂之夜蛾又以棗肉
炭屑為丸繫以鐵絲然之名火楊梅節食所尚則乳
糖丸子饅餡科斗粉豉湯水晶膾韭餅及南北珍果
并皂兒糕宜利少澄沙糰子滴酥鮓螺酪麵玉消膏
琥珀餉糖餉生熟灌藕諸色瓏瀝蜜煎蜜棗糖瓜薑
煎七寶姜豉十般糖之類皆用鏤鑰裝花盤架車兒
簇插飛蛾紅燈綵盞歌叫喧闐幕次往往使之吟叫

信酬其言白石亦有詩云貴客鈎簾看御街市中珍
品一時來簾前花架無行路不得金錢不肯回競以
金盞細合簇釘饋遺謂之市食合兒翠簾銷幕絳燭
紗籠遮三舞隊密擁歌姬脆管清吭新聲交奏戲具
粉嬰鬻歌售藝者紛然而集至夜闌則有持小燈照
路拾遺者謂之掃街遺細踏珥往往得之亦東都遺
風也

舞隊

大小全棚傀儡

查查鬼牆

李大口

呼子

賀豐年

長瓠歛張

兔吉

兔毛

吃遂

大憨兒

鹿麤姐

麻婆子

快活三郎

黃金杏

瞎判官

快活三娘

沈承務

一臉膜

猫兒相公

洞公鬚

細姐

河東子

黑遂

王缺兒

交椅

夾捧

屏風

男女竹馬

男女杵歌

大小斫刀鮑老

交衣鮑老

子弟清音

女童清音

諸國獻寶

六國朝

四國朝

寧心國入貢

孫武子教女兵

退雲社

緋綠社

胡女

鳳阮嵇琴

撲蝴蝶

回陽丹

大樂

瓦鼓

焦鑊架元

喬三教

喬迎酒

喬親事

喬樂神瑪

喬捉蛇

喬學堂

喬宅眷

喬像生

喬師娘

獨自喬

地仙

旱划船

教象

裝態

村田樂

鼓板

踏蹻

撲旗

抱鑼裝鬼

獅豹蠻牌

十齋郎

耍和尚

劉袞

散錢行

貨郎

打嬌惜

其品甚夥不可悉數首飾衣裝相矜侈靡珠翠錦綺眩耀華麗如傀儡杆歌竹馬之類多至十餘隊十二

十三兩日國忌禁樂則有裝宅眷籠燈前引珠翠盛

飾少年尾其後詞殿而來卒然遇之不辨真偽及為

喬經紀人如賣蜂糖餅小八塊風子賣字本皮婆賣

旗兒之類以資一笑者尤多也

燈品

燈品至多蘇福為冠新安晚出精紗絕倫所謂無骨

燈者其法用絹囊貯粟為胎因之燒綴及成去粟則

混然玻璃球也景物奇巧前無其比又為大屏灌水

轉機百物活動趙忠惠守吳日嘗命製春雨堂五大

間左為汴京御樓右為武林歌舞雜藝纖悉曲

盡凡用千工外此有鮫燈則移鑲犀珀玳瑁以飾之
 珠子燈則以五色珠為網下垂流蘇或為龍船鳳輦
 樓臺故事羊皮燈則鏤鑲精巧五色粧染如影戲之
 法羅帛燈之類尤多或為百花或細眼間以紅白號
 萬眼羅者此種最奇外此有五色蠟紙菩提葉若沙
 戲影燈馬騎人物旋轉如飛又有深閨巧娃剪紙而
 成尤為精妙又有絹燈剪寫詩詞時寓譏笑及畫人
 物歲頭隱語及舊京諺語戲弄行人有貴邸嘗出新
 意以細竹絲為之加以彩飾疎明可愛穆陵喜之令
 製百盞期限既迫勢難卒成而內苑諸璫心於此已
 已出思所以勝之遂以黃草布前剪縷加之點染與竹
 無異凡兩日百盞已進御矣

挑菜

二月一日謂之中和節唐人最重今惟作假及進單
 羅御服百官服單羅公裳而已二日宮中排辦挑菜
 御宴先是預備朱綠花斛下以羅帛作小卷書品目
 于上繫以紅絲上植生菜薺花諸品伏食酬樂作自
 中殿以次各以金篋挑之后妃皇子皆主嬉好及都
 知等皆有賞無罰以次每斛十款五紅字為賞五黑
 字為罰上賞刻成號真珠玉杯金器北珠瓦環珠翠

領抹次亦鈺銀酒器冠鈺翠花段帛龍涎御扇筆墨
官窰定器之類罰則舞唱吟詩念佛飲冷水吃生薑
之類用此以咨戲笑王官貴邸亦多倣之

進茶

仲秋上旬福建漕司進第一綱茶名北苑試新方寸
小夸進御止百夸護以黃羅軟蓋藉以青筠裹以黃
羅夾複巨封朱印外用朱漆小匣鍍金鎖又以細竹
絲織笈貯之凡數重此乃雀舌水芽所造一夸之直
四十萬僅可供數甌之啜耳或以一二賜外邸則以
生線分解轉遺好事以為奇玩茶之初進御也翰林

司例有品嘗之費皆漕司邸吏賂之間不滿欲則入
鹽少許茗花為之散漫而味亦漓矣禁中大慶會則
用大鍍金甃以五色韻果簇餉龍鳳謂之繡茶不過
悅目亦有專其工者外人罕知因附見于此

賞花

禁中賞花非一先期後苑及脩內司分任排辦凡諸
苑亭榭花木粧點一新錦簾銷幕飛梭繡毬以至茵
褥設放器玩盆窰珍禽異物各務奇麗又命小瑞內
司列肆關撲珠翠冠朵篋帶繡段畫額花扇官窰定
器孩兒戲具鬧竿龍船等物及有賞買菓木酒食餅

餌蔬茹之類莫不備具悉仿西湖景物起自梅堂賞
梅芳春堂賞杏花桃源觀桃繁錦堂金林檎照粧亭
海棠蘭亭脩禊至於鍾美堂大花為極盛堂前三面
皆以花石為臺三層各植名品標以象牌覆以碧幕
臺後分植玉繡毬數百株儼如鑲玉屏堂內左右各
列三層雕花彩檻護以彩色牡丹畫衣間列碾玉水
晶金壺及大食玻璃官窰等可瓶各簪奇品如姚魏御
衣黃照殿紅之類幾千朵別以銀箔間貼大斛分種
數千百窠分列四面至於汲水棟窠戶間亦以湘筒貯
花鱗次簇插何翅萬葉堂山設牡丹紅錦地茵自中
殿妃嬪以至內官各賜翠葉牡丹分枝鋪翠牡丹御
書畫扇龍涎金合之類有差下至伶官樂部應奉等
人亦霑恩賜謂之隨花管或天顏悅懌謝恩賜予多
至數次至春暮則禱古堂會瀛堂賞瓊花靜出亭紫
笑淨香亭采蘭挑筍則春事已在綠陰芳草間矣大
抵內宴賞初坐再坐插金盞架者謂之排當否則但
謂之進酒

武林舊事卷之二



